

魏忠賢宿阜城尤氏旅舍其黨密報 上旨知必不免夜同  
李朝欽自經忠賢少飲博無賴至為傭奴忍而自閹客某資  
之直東宮侍 皇孫以飲食中其欲初直東宮有風道人宿  
宿朝天宮日歌市中曰委鬼當朝立茄花滿地紅 客氏 七量  
糠車過壓塔蘆溝橋 忠賢祖墓直蘆溝橋 忠賢後欲報客不  
再值

辛未禮部郎中劉夢潮論右都御史署順天府尹李春茂巡  
撫山東黃憲卿俱媚祠春茂免

壬申戶部員外郎王守履劾崔呈秀及吏科都給事中陳爾

翼黨奸又薦舊輔韓鑛等命削呈秀籍追奪告身陳爾翼之

疏自矛盾命冠帶閑住韓鑛清忠有執下所司知之爾翼又

疏辨守履當 上早朝御門出班面糾爾翼 上以守履突

出降三級調外

巡撫順天單明詡免

下魏良卿鎮撫司獄

癸酉刑部主事耿應昌言四事釋累臣遵法律重告獄禁告


密

戶部郎中劉應遇言天下六大苦諸臣逮繫諸臣獄死諸臣

國權

天啟七年

全



追贖仕途去就新進禁錮廷臣被劫 上然命逮死各臣贖  
銀盡免之釋其家屬

甲戌復故太監王安常予祭塋立愍勞祠


戶部尚書張我續刑部左侍郎陳九疇免

勅部院曰巨惡魏忠賢竊 先帝之寵靈擅朝廷之威福密  
聽群奸矯誣善類稍有觸忌肆行慘殺數年蠱誣不知凡許  
削奪不知凡許幽圜蔽日沉黑彌天冤抑所積上千玄象致  
星隕地裂歲祲兵連今魏忠賢崔呈秀天刑已殛臣民之憤  
稍舒而詔獄游魂猶鬱錮籍譽髦未伸豈所以成朕維新之

治今應褒贈即予褒贈應廕卹即予廕卹應復官即予復官  
應起用即予起用應開釋即予開釋勿致久淹傷朕好生之  
德意時崔呈秀歸薊州列姬妾并羅列列珍異酒器縱飲一  
杯即擲壞之飲已自經  
降刑部主事耿應昌三級調外應昌先請裁革東廠再被詰  
責故有是命

乙亥工部尚書楊夢滾請停新例停准貢停納通判運判停  
納附學生停納王官長史

丙子崔呈秀子鐸覆試僅稱二義命削籍後戍邊



刑部尚書薛貞總督薊遼兵部尚書劉詔免

丙寅夜月食

己卯廷推閣員孟紹虞錢龍錫楊景長薛三省來宗道李標  
蕭命官周道登劉鴻訓房壯麗曹思誠是日 上召大臣及  
吏科都給事中魏炤乘河南道御史 于乾清宮拜天

訖卜之遂九諸臣名納于金瓶筋夾之得錢龍錫李標來宗  
道楊景長閣臣以時艱求益復得周道登劉鴻訓而次所夾  
王祚遠為風墮覓之無跡事訖則九落施鳳來身後也于是  
進龍錫楊景長來宗道李標周道登劉鴻訓並為禮部尚書


兼東閣大學士遣官召龍錫標道登鴻訓

趙維寰曰論相須評品望拈枚非體昔五季時唐廢帝從  
珂嘗納數名琉璃瓶中挾得盧文紀後相業亦不光 上  
英智特借此以破阿黨非真謂是能得人也

諭月食脩省求直言

南兵部尚書劉廷元叅太監劉文燿

上林苑監典籍樊維城直糾諸臣最著之賍如田吉田爾部  
吳淳夫及兵部郎中王登三吏科都給事中陳爾翼等報聞  
庚辰乳媪客氏赴浣水局掠死太監王文政主訊之招宮人



任身者八人蓋出入掖庭多携其家侍媵覲如呂不韋稍更  
數月事忍言哉幸天奪之速也子侯國興下獄

辛巳錦衣衛指揮

方弘纘奏陳本衛利弊且薦南鎮撫

司劉儵前北鎮撫司徐本高 上是之

大興知縣饒可久訟故左副都御史楊璉之枉且乞改三朝  
要典 上以要典未易輕議鐫二級


壬午御史楊維垣奏太監李永貞劉若愚佐逆報聞

工部中劉鍊加太僕卿

癸未監生山陰胡煥猷論大學士黃立極施鳳來張瑞圖李

國椿當魏忠賢專權不能匡救且揣摩意旨專事逢迎浙直  
建祠各撰碑稱頌今宜俱罷又摠督貴州張朴史永安巡撫  
毛一鷺秦士文王點姚宗文楊邦憲李精白郭增光巡按卓  
邁盧承欽許其業劉弘光黃憲卿俱請祠乞加究奪而薦舊  
輔韓鏞 劉宗周祭酒林鈺故脩撰文震孟顧錫疇方逢  
年底吉士鄭鄴給事中沈維炳郝士膏章允儒熊奮渭御史  
王心一等宜加錄用 上以逞臆輕詆下廷訛論杖除名時  
法司引卧碑惟生負不許言事律

降太監李寶奉御安置南京涂文輔小火司香鳳陽



工部尚書楊夢家孫杰左副都御史李夔龍免  
戶部員外郎王守履奏逆黨文臣崔呈秀田吉吳淳夫李夔  
龍為五虎武臣田爾耕許顯純孫雲鶴楊象崔應元  
為五彪

乙酉巡撫貴州陸獻明言安位雖以水西為穴而貴陽城北  
綿亘千里謂之水外步仲苗時報賊一過河仲苗群  
起應之在滇則安效良在西粵則泗城等州而蜀之鎮雄四  
土司皆賊之應援而奢崇明結賊同謀于水內故安邦彥等  
桀驁難馴若得蜀兵五萬分扼于永寧遵義滇兵五萬進蹙


于霑益烏撒一帶黔兵七八萬分布于思脂三岔陸廣之東  
西同時並進則賊可授首也今滇蜀既無協應黔兵僅五萬  
止分布一面安能困賊云

巡按直隸御史卓邁言太監李永貞習于文字捷于窺瞰其  
狡過于忠賢乞下法司明正其罪遂下永貞獄

丙戌巡視南城御史王會圖執左都督楊六奇蓋魏忠賢從  
塔走蘆溝橋執以聞

故右都督張國紀詐寃復官

丁亥巡按山西御史劉弘光言四事勤召對廣考選辨寃抑



惜人才 上是之

錦衣衛左都督田爾耕削籍其家爾耕婪毒好羅織都察院經歷許九皋劾之

戊子御史曹谷以戶部主事陳此心請解禁錮并改三朝要典獨不思要典為三朝慈孝作也必不可更報聞

張惟一李魯生潘士聞並辭 寺少卿


己丑太監李永貞戍顯陵初永貞辭任司禮聞逆賢敗其黨徐應元王國泰俱危于是餽太監王體乾王永祚王文政各五萬金各懼泄以獻內承運庫李永貞知之即遁久而獲之

赴戍所

大學士黃立極致仕賜金幣廕子尚寶司丞遣行人護送歲給廩役

瑞王分封漢中莊田八千頃每畝稅三分有司輸納本省不過五千頃四川河南協取之

止蘇杭織作諭曰朕自御極以來孜孜民力艱苦思與休息惟是封疆多事征輸重繁未遑蘇豁織造雖上供急需朕痛念連年加派絡繹東西水旱頻仍商困役擾民不聊生朕甚閔焉今將蘇杭見在織造地方官解進梁棟不必候代即回



自闕暫停朕不忍以衣被組繡之工因此一方民稍加軫念  
用示寬仁俟東西底定之日方行開造以稱朕敬天恤民之  
至意

總督倉場蘇茂相言京軍歲放米三百餘萬石今京通二倉  
米止百二十六萬九千五百七十三石目前猶以舊積支吾  
後將何繼錦衣衛官于萬歷間僅一萬七千七百六十餘人  
逆璫增補見在三萬六千三百六十餘人多支米二十七萬  
有奇文思院匠官冊七百五十三人今增補見在三千二百  
八十八人多支米三萬餘石上乞查覈從之

曹思誠為左都御史改蘇茂相刑部尚書起霍華兵部尚書  
張鳳翼為右都御史兼兵部右侍郎總督薊遼起袁崇煥右  
都御史兼兵部右侍郎添註王應身為右都御史巡撫順天  
辛卯沈自彰辭兼太僕寺卿光祿少卿岳駿聲辭兼右都御  
史

太僕卿梁夢環劾免


癸巳戶科給事中李覺斯言京中五虎五彪之謠王守履疏  
且遺五虎之一臣訪為倪文煥命下文煥獄

御史楊維垣特留佐大計

國權

天啟七年

九十



棟漢虎墩鬼慈與 習令色盟歸化城以合犯氣喇嘛守

之東行降兀慎擺腰明暗等酋

十二月甲午朔廷議崔呈秀罪狀有旨呈秀負國忘親通同擅  
權死有餘辜法司其按律暴其罪

乙未監生王之鼎言大理寺副許志吉借黃山一案害民命  
下志吉于獄

吏部右侍郎兼左都御史許宗禮乞許不允刑部左侍郎李  
若珪疾免


賈繼春為右僉都御史秦士文為兵部左侍郎  
壬申侍講孫之獬言三朝要典近謂逆魏禁錮人才之書意  
祖宗在天之靈愾然不安乞 皇上親序其首仍命史館以  
處分魏崔事附錄庶要典自明逆黨自正矣

設遷曰孫之獬非護要典也護纂脩要典者也度不自堅  
駕求宸翰心勞日拙人見其肺肝然噫將意廟序不足重  
乎亦自見其矛盾矣

工科給事中陳維新言要典不磨毋容更持兩可報聞

丁酉覈魏忠賢戚屬諸閣濫廕

戊戌解經傳為右僉都御史巡撫保定謝文錦為南右僉都





御史提督操江

已亥上 皇嫂張氏尊號懿安皇后居慈慶宮

劉漢儒等十一人為給事中甘學濶等十四人為試用監察御史

故貴州貴陽府同知王胤昌予祭塋立祠陰子世駿錦衣百

戶 撫寧侯朱國弼論戶部尚書郭允厚媚璫報聞


戊戌吏部 周家椿劾免

耿如杞為太僕卿

前富平知縣劉勅上八頌八箴覬復原官切責之

庚子郭存謙為光祿卿

辛丑大學士黃立極施鳳來張協圖李國樞奏臣等近為監生胡煥猷疏詆論杜門省咎荷蒙溫綸令臣等入閣辦事臣等思從來大臣罪過深重至為逢掖書生所指如臣等之辱朝廷而羞當世者也煥猷以魏忠賢碑文責臣等不能拒而阿意為之不知臣等實未嘗為忠賢作碑文也彼其食客游士能為忠賢効筆札工諛言者何限且假 先帝之嚴命索臣等官銜臣等能不與乎與之亦臣等之罪也然以忠賢之勢取旨如寄而謂臣等敢惜其微銜以櫻嵎虎之怒乎至于




取旨褒贊則亦往日一二文書官稱上命便依票擬之一言不合則令改票則甚嚴旨切責此事從來俱在臣未承乏之先為日已久臣等不盡受罪但票擬不能盡其職計惟有見幾之作而彼且操虺蝎之毒以隨臣等之後蓋彼不惟視臣等之去就輕而視臣等之生死亦輕也且夫以去就生死爭之而有益于國猶若可為也虎狼之性愈觸則愈怒今四年來乳虎蒼鷹羅鉗吉網毒徧天下去就死生之爭其效見于此乎矣不得已徘徊其間冀有毫髮之益則亦少盡臣等區區之心耳

黃道周曰。熹廟朝。枚卜十二人。而預附逆者六人。可謂遭逢之不幸。然其不得已之情亦昭々。可見觀黃。施李。四公之辨。胡煥猷。則當日之情事其槩矣。其固位羶榮之意。數幅可盡。當局諸人生平。噫。國家危。注意相。亦何取于此輩為哉。

壬寅大學士來宗道進太子太保孟紹虞為禮部尚書

癸卯御史楊維垣加太僕少卿

甲辰諭廷臣曰。比者天上垂戒。月食太甚。傳曰。月食脩刑。得非無辜含冤。兆民愁苦。致然與。九卿科道各陳安民察吏富



國籌邊之策朕將採行之毋虛文塞責

禁章奏先泄旨報傳

裁光祿寺冒官八百二十一人

乙巳太常少卿阮大鍼論魏逆之罪且辨要典勒入臣名

檢討陳盟言前四川贊畫太常少卿劉時俊有功被冤章下

所司

釋故大理少卿惠世揚御史方震孺獄李承恩論減時刑部

尚書蘇茂相謂律僭用龍鳳紋杖一百徒三年即使承恩不

在八議之條亦無死法况世廟之親甥乎上從之

丙午劉漢儒鍾价時化閔可陞仇維楨彭祖壽張鼎延曹

師稷祖重燁顏繼祖郭堯言為給事中南戶科郭堯言甘學

潤范良彥宋景雲張養林熙隆李應期梁天奇羅元賓李炳

黃仲暉李遵揚中樞韓光先朱健為試御史朱健南京

少保禮部尚書李從心改戶部尚書提督倉場許宗禮仍右

都御史兼吏部右侍郎劉澤深為順天尹

任中英為都督同知提兵官鎮守浙江徐鎮都為都督同知


提兵官鎮守居庸昌平

丁未順義王卜石兔來貢

國權

天啟七年

九十四



故建文臣練子寧裔孫一奎奏求恩卹下部復其官  
戊申巡按直隸御史宋禎漢請卹故工部尚書萬燦籍田爾  
耕孫雲鶴張體乾楊寰許顯純諸家報可  
己酉巡撫 尹同臯王尊德進 並兵部右侍郎兼右  
僉都御史

南京山東道御史劉漢言四事崇正學以培治本勵廉耻以  
清仕路惜名器以尊體統重耕農以節財用 上是之  
命吏部清汰加銜其例貢納賢諸生毋優免  
太僕少卿賈繼先劾李虞夔追卹萬燦劉鐸楊連蘇繼歐錄


用李若星張慎言從之

魏良卿劉國興伏誅客光先客璫 客氏 楊六奇等承成  
裁南兵部左侍郎

還給韓鑛劉一燿燦馮銓告身致仕

起林鈇祭酒錢象坤為禮部尚書李康先唐大章為左右侍  
郎汪輝吏部左侍郎徐光啟詹事劉鍾英司業莊際昌左諭  
德丁進右贊善

張九德為工部尚書提督河道提督軍務張維樞郭增光為  
工部左右侍郎費兆元丁啟濬為刑部左右侍郎楊所脩為



右副都御史張守道為南工部右侍郎

癸丑李從心仍太子少保戶部尚書攝右侍郎事

甲寅諭吏部凡會典額外官如添註添設者有闕勿推補又文臣非正卿武臣非勳爵提兵官實有功者不得加保傅等銜下吏兵二部嚴加清汰

乙卯施鳳來奏辨胡煥猷引陳平周勃狄仁傑事古人無訛何臣之未諒也

設遷曰平勃仁傑古有凡人先臣李文正頗似之亦蒙訛于世平湖憤輒以藉口善學柳下惠者莫如魯男子也

復故 熹廟裕妃張氏封號卜墓初裕妃忤客氏魏忠賢被譖幽之餒死

文安之為南司業

丙辰命定逆案命先下五虎五彪法司議罪刑部議崔呈秀外吳淳夫倪文煥當削職奪誥命田吉李夔龍褫職田爾耕許顯純當逮論楊寰孫雲鶴崔應元等當削奪 上以未蔽法下再擬夔龍淳夫文煥吉追贖遣戍爾耕顯純論死應元雲鶴寰戍邊


丁巳錦衣衛都督

鄭士毅奉命裁數冒濫言舊額旗役

國權

天啟七年

卷六



三萬人不許命同部科往

吏部右侍郎許宗禮辭右都御史

戊午工部尚書姚思仁進太子太傅

庚申召故御史張慎言等還給李思誠吳姓誥勅

前尚寶少卿黃正賓言臣成大同內臣尅減馬價各軍鼓譟  
毀官署劫典舖將吏叩頭求免比時撫按劫內鎮之威莫敢  
奏聞邊防壞盡即一鎮可推各鎮故閹宦者天下禍本也交  
結速化作備者魏廣徵發縱指示者徐大化也大化浙產冒  
籍京師以考察部郎不二年驟至尚書督理大工尅減工銀


無美程呈芬妬其專利詆于忠賢令閑住大化睹璫局必敗  
與表侄楊維垣密謀令首叅呈秀為翻局地乞褫秩遠逐之  
上命楊維垣不許任京師徐大化令回原籍


辛酉袁崇煥廢錦衣衛指揮僉事

折浙江嘉興湖州災租

時挿漢虎墩兔憨駐獨石塞外舊開平所脅賞且東侵豐州  
灘奪奪爾莽勒吉能告援

孝純劉太后祔慶陵初慶陵玄宮稍廣其制故前祔孝元孝  
和二太后今祔孝純適相當也





諭戶部遣覈海外軍餉

遼東前鋒提兵官朱晦私唁建下之喪且謏款其語悖上切責之

初上御便殿閱章奏聞爐烟覺陽升愆動心疑之出步階城間乃定命撤爐香諭司香內官此何來曰宮中舊方上叱之後不許造毀其餘太息曰皇兄皇兄皆為此香誤也

國權

監官設遷孺木著

崇禎元年戊辰

正月癸亥朔上御皇極殿天下官來朝

直隸永年縣大風雨晝晦

丁卯編脩倪元璐上言臣典試復命入都邸抄凡攻魏崔者

必引東林為並業一則曰邪黨再則曰邪黨何說乎以東林

為邪黨將復以何名加諸魏崔之輩崔魏而既邪黨矣向之

首劾忠賢重論呈秀者又邪黨乎哉以臣虛中之言合之事


國權

崇禎元年

一

後之論夫東林天下之才數也其所宗主者大都稟清挺之標而或繩人過刻樹高明之幟而或恃論太深此之謂非中行則可謂之非狂狷不可也其所引後為用者亦每多氣魄之儁才幹之傑其間即不無非類要可指數而盡耳而其中又有泊然無營儵乎自遠謝華靡其若脫付黜陟于不聞而徒以聲氣心期遙相推獎此尤沒泊寧靜純乎君子也今日邪黨則無不邪黨矣且天下之議論寧涉假借而必不可不歸于名義士人之行已寧在矯激而必不可不準諸廉隅自以假借矯激深咎前人于是虎彪之徒公然起而背叛名義


毀裂廉隅矣于是連篇頌德匝地生祠矣夫頌德不已必將勸進生祠不已必且呼嵩而人猶寬之曰無可柰何不得不然耳嗟乎充此無可柰何不得不然之心又將何所不至哉議者能以忠厚之心曲原此輩而獨持已甚之論苛責吾徒亦所謂悖也今天獄之後湯火僅存豪傑決無沉埋况奉恩綸屢禪酌用而任事諸臣似猶以道學封疆四字持為鈇案雖或薄從蒞雪未引同升原諸臣之心或亦深防報復乎臣以為此過計也水路石出正人相見摠屬崔魏之異已即可化牛李為同心况年來借東林以媚崔魏者其人自敗何待





東林報復若其不附崔魏又能攻而去之其人既已喬獄矣  
雖百東林烏能報復哉事理甚明迷者不悟臣所謂方隅未  
化也又伏讀聖旨有韓爌清忠有執朕所鑒知之諭深仰天  
聰知人則哲而廷議殊有異同可為大怪爌之相業光偉他  
不具論即如紅丸議起大臣閃默爌獨侃、條揭明其不然  
夫孫慎君子也爌且不附况他人乎迨權奸大張爌抵觸投  
劾今推轂不及點灼橫加則徒以稟擬熊廷弼一事耳夫封  
疆失事繫、有徒而時議獨殺一廷弼豈平論哉此爌之所  
以閣筆也然廷弼不死于封疆而死于局面不死于法吏而


死于奸璫則又不可謂後之人能殺廷弼而爌獨不能殺之  
也又詞臣文震孟正學強骨有古大臣之品三月居官昌言  
獲罪同輩憚其方嚴有人如此雅謂千秋今起用之者再下  
謬悠之設日甚加之富盜豈以其前兄從龍不逞之事乎夫  
人知從龍以為之兄不知有文徵明之特行文彭之至德以  
為之祖父且賢愚相越舜象已然然不聞柳下惠膺盜跖之  
誅司馬牛受向魘之罰震孟何罪遭此嫌訛臣所謂正氣未  
伸也摠之臣論不主調停而主別白臣論韓爌文震孟不爭  
二臣之用舍而爭一日之是非又故憲臣鄒元標蒙旨優卹



而易名之典似當一併舉行至于海內講學書院經逆璫矯  
旨拆毀者併宜葺復如故蓋書院生祠相為勝負者也生祠  
毀豈不當復哉臣草疏畢又竊念部臣王守履進言之失儀  
陛下慨納其言薄鑄其秩時經三月倘召復原官則聖度極  
于天矣有旨朕屢旨起廢務秉虛公酌用有何方隅未化正  
氣未伸各書院不許倡言創復以滋紛擾王守履混亂朝儀  
業經薄罰豈容薦舉市恩

吏科給事中劉漢儒言畿民之困宜悉蓋發難以來征派無  
虛日而最苦者莫若招買料豈給價常少給期常遲瘠賤既  
不相同而緩急又不相應是名招而實加派也向者督餉臺  
臣欲以京邊錢糧徵料豈本色有司每稱未便臣以為留京  
邊實數筭作料豈定價令有司自行招買勿派民間則民免  
剝削而有司亦省給筭請明年為始凡府州縣三分為率二  
分解本色一分解折色 上是之下所司

戶科給事中楊時化言言裕軍需恤窮民略曰軍需首亟糧  
餉次則兵甲硝磺等物聞津運之餉關外者米豈半折乾健  
兒得銀易于蕩費羽書孔棘商販不至即有銀安糴乎如海  
運多埋沒其存留者遂不報此計部日運而關外日匱也兵



甲不堅利，得戎甲胄三而造一，臣鄉出硝出磺出鉄商販至價不時給，即給而抽扣常例之費，十去其五，嗟乎上下相蒙如是，而欲士飽馬騰，何可得也。海內民窮極矣，不獨困于加派也，亦貪殘之吏藉口考成多方，朘削以盈，豁壑之欲，敲骨見髓，國家有貪酷拿門之例，而曾不知懲，則撫按之責也。大相循良者，恫恤無華，或自負居官無愧，不肯逢迎而慙熟骨及狠辣有手之反，獲上而駕其上，虛聲進而實政抑撫按之舉，劾多與民間之是非不符，何以令暴污知戰乎。故察吏安民，毋使吞舟漏網，即足食之上策也。章下所司。

戊辰大學士楊景辰入朝

錦衣衛指揮同參麟奏許許顯純孫雲鶴楊寰王涖民罪狀  
報聞 知許

前兵部尚書霍維華奏辭新命且述忤璫始末薦周道登郭  
鞏不允辭

逮大理寺正許志吉

己巳太僕卿郭興治辭右副都御史


巡按直隸御史賈繼春薦故輔韓爌葉向高部臣張問達 奏

孫居相曹于汴喬允升蔡毅中都御史馮從吾詞臣錢謙益

國權

崇禎元年

五



列卿翟鳳翀梅之煥臺省高弘圖張慎言倪思輝王大年張  
論周士朴劉廷宣周昌晉田瑜張 德安伸練國事陳必謙  
房可壯阮大鍼王志道汪泗淪王一中張捷  
庚午工科給事中顏繼祖言誅連之網宜速開黃山之局宜  
早結起廢之特典宜慎逆璫之遺穢宜除 上大是之


壬申戶部尚書郭允厚言天津餉額米從浙江湖廣山東南  
直而至豈從山東北直而至率東從近畿道府餉司又寶董  
之諸臣終歲經營而軍中時告乏臣攷其故皆運收要官折  
折乾為之也夫折乾無贏耗無腳價豈不甚便但主計之運

籌轉輸之趨督一切疏檄臚列皆本色非折色也此折乾者  
皆私也被諸委官未免侵漁即盡入軍手乃五斗裹糧可飽  
通月而折錢不過三四錢市脯沽酒不兩三日而畢矣據臣  
部之措發顆粒之欠向各倉庾而視之實無顆粒也章下所  
司嚴禁之

大學士來宗道楊景辰同知經筵日講

趣提督張鳳翼赴閩移順天巡撫王應豸于喜峰口

起前兵部職方司郎中余大成王繼謨貢外郎鹿善繼主事  
沈蔡



癸酉檢討項煜言去邪起廢各當酌 上是之

禁衣飾侈僭及婦女金冠袍帶等從御史梁天奇之言


甲戌馮時行為通政使蔣一驄為太常卿

上御文華殿講訖諭九卿曰月食脩省令條對卿等大臣何未之見也因手勅示之

陳盟為司業黃近朱為文選司主事

戒諭百官曰朕聞除奸賞俊人主之大權畢力竭忠人臣之大節故必藉勸繩以維法守戒覆轍以勵新圖今為爾文武百官明詔之邇督師王之臣奏安插屬夷者逆惡罪樞表裡

為奸招聚群狐盜竊國柄刑政多懈賞罰無章上累先帝之明下結萬民之怨此爾諸臣所目見也幸天厭大奸早正國法蠹逆盡洗內外肅清即爾諸臣才有短長立身各有本末殷鑒不遠其可忽諸自今為始各務滌濯肺腸各脩秩業提精明振作之念忽誕戒悠忽誕慢之習勿得苟懷私圖致憤國事動議之權奸掣肘不得自行其志今大奸既除職掌還之各司而猶不致忠竭節亦非所以事朕也至內外各衙門積年弊政尚未清釐該部院自行檢舉陳奏痛加洗剔勿事虛文大要為國積財為民擇吏固圉者以封疆為重守土



者以安民為本具有挾私壞公逞臆熒聽不從國家起念專  
以窺矚妄營者朕不時廉察決不輕貸一切奏議有闕國計  
者遵我 祖宗舊章不得妄議紛更惟其大法小廉柔遠寧  
邇以佐朕平明之治

命司禮監斥賣魏忠賢田宅因以賜第請 上曰不必估直  
俟東西底定留賜第以待功名榜為策勛府  
督師本兵王之臣奏安插屬夷分置關西薊鎮宣大凡千五  
百餘人

減黃山價仍十二萬金前許志吉增共二十五萬巡撫應天

李待問奏減之

乙亥工部尚書薛貞免仍乘傳

丙子夜月食

丁丑御史林棟隆言六事重票擬申公論惜賞爵嚴核實慎  
言路審机秘報聞

戊寅吏部大計外官命下貪官于理


何吾騶為左春坊左中允

己卯禮科給事中周有陞言六事保聖躬恤民困復邊疆起

廢官扶吏治廣制額報聞

國權

崇禎元年



兵部請移毛文龍于蓋套下廷議移督師于閩門


畢自肅為右僉都御史巡撫遼東

禮科給事中沈維楨劾吏部驗封司郎中周良才保定府同知王象復太僕卿署工部郎中徐四岳太僕少卿梁夢環俱黨逆漏網報聞

庚辰南戶科給事中陳覺言六事定聖志隆泰交惜人才慎邊功息紛囂重名器 上嘉納之

工科給事中顏繼祖言海盜鄭芝龍生長于泉州虛實了然于胸聚艇數百眾徒數萬劫富施貧民不畏官而甚畏盜一

人作賊一家亡恙一姓從賊一方可保而搃兵俞咨臯與吳淳夫為兒女姻丙寅招撫之議實飽賊囊舊輔朱欽相聽其收楊祿楊策以為用然撫寇之後必散以原籍領以的保而咨臯招之海即寘之海商民任劫今日受撫即明日為寇昨春中左所之變朱一馮巖檄楊祿楊策者然無踪咨臯始縮舌無辭劾副將陳希範并及咨臯而錢神有靈冰山足倚聽強寇蹂躪內地同安海澄間故閩帥不可不去也朱一馮忤淳夫不安其位而在閩久才識並練不妨加銜久任故閩撫必不可不留也 上是之逮咨臯下法司御史黃仲驊糾亦




如之

御史羅元賓言國家不得其理者無實心任事之臣則門戶  
為之崇也自東林出聚徒講學非不善也然壇坫設而標榜  
起標榜起而依附生不肖者因而排異已侵朝權于是有攻  
東林者出夫攻者攻其頗僻以偕之大道可也乃于人則引  
繩批根于已則堅營固壘以彼為我敵明以我為彼敵又或  
自處多瑕呼朋樂善當攻人之時已開為人攻之隙各攻各  
守遞勝遞負有自來矣今奸邪殄滅世道一新然所誅罪璫  
耳罪樞耳何與于門戶亦何與于攻門戶者事也而得毋喜

其局可翻伏機設筭以圖報復惑也又得毋切々然憂其局  
可翻力為防遏以彌縫其間亦惑也夫君子小人互相指之  
名今日之世草道也不惜草以人恣禍之階并宜草借門戶道  
長之名不惟草借門戶以錮人之弊并宜草借門戶以圖報  
之端 上嘉納之

辛巳命內臣俱入直非受命不許出禁門  
御史楊維垣言詞臣持論之偏指倪元璐

壬午上 皇嫂皇后張氏懿安皇后尊號居于慈慶宮  
以江南常州去年水災折絹





進冉悅孔左都督盧抱忠都督同知

癸未始御經筵

錄外官卓異二十四人賜宴禮部仍記錄

復故南兵部右侍郎岳元聲官

甲申劉廷宣為大理右少卿

發帑金三十萬分給宣大東江

工部郎中朱國盛辭太常卿自免

命安置降夷于延綏寧夏甘肅固原間初兵部請處之山海

關三屯營不許

頒懿安皇后詔

乙酉復故大學士劉一燝韓爌官

丙戌編脩倪元璐上言臺臣楊維垣有詞臣持論甚謬一疏

辨甚力怪臣盛稱東林以東林之尊李三才而護熊廷弼也

然亦知東林中有首叅魏逆之楊璉及提問崔呈秀之高攀

龍乎且當時之議三才也特推其揮霍之略未嘗不指之為

貪于廷弼特未即西市之誅未嘗不坐之以辟則猶未為失

論失刑也今魏逆窮兇極惡積贓亡筭維垣猶曰厥臣公厥

臣不愛錢厥臣為國為民而何況李三才以虎彪之結交近

國權


崇禎元年

土




侍律處斬奉有嚴綸初擬止于削奪維垣不聞駁正又何尤于昔人之護廷弼者乎而以臣為謬臣不受也維垣又怪臣盛稱韓爌夫舍爌觸璫嬰禍之蹟加以說情因利已非矣如廷弼曠特粟免一梟未赦而欲用之也至廷弼行賄之說逆璫借為楊左諸人追贓地耳逆璫初擬用移宮殺楊左諸人以難坐于贓改封疆之案派贓毒比此天下共知維垣柰何尚守是說乎至不附孫慎行君子之說臣言原非矛盾蓋慎行清望較王之案不同紅丸議雖刻深亦不失春秋書趙盾之法使後之人加慎焉可耳夫董狐不為賣直趙盾亦未嘗

貶賢而以臣為謬臣不受也維垣又怪臣盛稱文震孟夫震孟臣不更論即如王紀清正著稱以泰沈淮忤逆璫而譴斥震孟則以薦王紀而降削均得罪于逆璫者也維垣試觀數年來破帽策驢之輩較超階躡級之儔為榮辱自此義不明于是畏破帽策驢者相率為頌德生祠而希蟒玉馳驛者遂呼父呼九千歲而不顧可勝歎哉而以臣為謬臣不受也維垣又怪臣盛稱鄒元標夫元標之為兩截人前半峭直後半寬和耳若詆之為要錢多藏臣雖斬首穴胸不敢奉命謂都門聚講非宜則可謂元標講學有他賜必不可謂聚講之徒



不盡端人則可謂聚謀之意或出邪謀必不可逆璫之驅逐  
講學諸人折毀書院意籍學士大夫之口自元標以倡學見  
驅而逆璫遂真儒自命學宮之席儼然揖宣聖為平交使講  
學諸人而在宣遂至此哉而以臣為謬臣不受也維垣又極  
力洗發臣矯激假借四字夫崔魏之世人皆任真率性為頌  
德生頌祠使有一人矯激假借而不頌不祠豈不猶賴此人  
哉而謂非臣之有取于假及東林賢者之于名義盡假也東  
林自鄒元標王紀高攀龍楊漣外如顧憲臣馮從吾陳大綬  
周順昌魏大中周起元周宗建等之真理學真氣節真清操

真吏治成邊如趙南星之真骨力真擔當餘被廢諸臣不  
敢冒薦存沒不同並以真著豈有所矯激假借而然哉而曰  
臣大謬益不受也維垣以真小人待其滿貫可攻而去之崔  
魏之滿貫久矣不遇聖明誰攻而去之乎維垣以無可柰何  
之時為頌德生祠解嘲假令崔呈秀舞蹈稱臣于逆璫其餘  
諸臣便亦以為不可異同而盡舞蹈稱臣乎又令逆璫以兵  
劫諸臣使從叛逆諸臣使亦畏而從之以為適值無可柰何  
之時乎維垣又言今日之忠直不當以崔魏為對案臣謂正  
當以崔魏為對案也夫品節試之于崔魏而定矣有東林之



人為崔魏所恨必欲殺之逐之此正人也有攻東林之人雖  
為崔魏之所借而勅節不阿或逐或遠此亦正人也以崔魏  
定邪正譬之以鏡別妍媸搃之東林在今日當曲原其高明  
之槩不當毛舉其纖寸之瑕而揭、馬代逆璫分謗斯亦不  
善于立論矣人才不可不惜我見不可不除衆鬱不可不宣  
群議不可不集願維垣之熟計之也 上是之

閔紹隆為南鎮撫司僉書

丁亥劉廷元為兵部尚書潘士良為大理卿周維京為通政  
使許宗禮王祚遠為吏部左右侍郎鹿善繼為尚寶司卿姚

士慎為南太常卿

益紹虞為禮部尚書兼學士賀逢聖為南祭酒

禁光祿寺鋪墊漏陋習去冬十二月萬壽節行戶進鹿例輸

六金閣人苛索至費十四金內監崇進喜不之收太常卿岳


駿聲以聞

戊子邱兆麟為右僉都御史巡撫河南王從義為右副都御

史巡撫山東

刑部尚書曹思誠大理寺左少卿以魏忠賢等獄上命磔忠

賢屍于河間斬崔呈秀屍于薊州又斬客氏屍魏志德希舜



希孔撫民希孟楊文昌亂昌祚昌馮繼先傅之琮董永忠崔  
鐸王祿俱永戍瘴地魏良棟年四歲鵬翼三歲崔鏜七歲鑰  
三歲以孩穉釋放李夔龍吳淳夫倪文煥田吉各追贖原籍  
文煥五千金淳夫三千金各餘千金田爾耕許顯純逮至論  
死崔應元楊寰孫雲鶴戍邊


錢中選侯世祿為將軍摠兵官鎮守陝西臨洮尹啟易

為將軍摠兵官鎮守廣西

已丑御史李燦然言積儲繫國家大命近米價驟高民間嗷  
嗷每歲漕糧早入京倉而買糶之法決不可不為講求乞將

籍沒權奸充餉銀十萬兩充糶本委戶部一官不論菽麥稻  
黍隨便收買至米貴日平市新舊相仍子母相轉可備水  
早有益于國家經久之計章下所司

太常少卿阮大鍼請合筭天啟時奸狀略曰汪文言以徽州  
庫吏逃罪投王安幕下引左光斗入幕移宮之疏紛迎合  
此中外謀傾宮眷之始也御史賈繼先疏揭力爭汪文言等  
嗾臺省諛王安佐楊左繼春削職此中外謀殺言官之始也  
吏部尚書周嘉謨敢雅重熊廷弼復任經略文言等重處姚  
宗文馮三元等四人自是所處必曰宗文三元之黨此又中




外謀壞封疆之始也汪文言等處霍維華以謝王安諸閹人效之逐戚晚撼中宮此又中外謀危母后之始也

設遷曰當覓決之會經緯迥懸而邪孽深固謂富貴自彼致之護萌惜芽餘說四載出陳爾翼楊維垣阮大鍼輩各文飾奸言回惑天聽孔子所戒苟所患失之無所不至而大鍼又尤無所忌覆及邦家貽禍日後安得投畀豺虎以杜其源乎

二月癸巳朔遼東督師尚書王之臣奏遼地千里擲于腥羶者七年今欲尺寸而收之惟在以遼民實遼土民有力者聽其自墾無力者酌借屯本為資俟秋成後徵完自寧遠以西及左右近城者頗舊實可仍自此而東久為戎馬之場故地須分三等其近城處泉甘土沃為上則三年起科稍遠而瘠為中則五年起科至于窮邊為沙鹵之場為下此永不起科部覆行之

甲午 上厭章奏冗長諭各衙門條奏須簡明毋出千字如詞意未盡再奏

御史張鑣論媚璫之臣三等漏盡鐘鳴如劉志選等希榮干進如楊夢家李養德等乘机報復如朱童蒙等各賜處分志



選冝下依律擬罪

乙未諭選宮妃

大學士施鳳來張瑞圖主禮闈

辛丑命自元年十二月所發章奏俱限十日內題覆如仍稽

遠部科互勘

癸卯侍讀溫體仁直經筵日講

甲辰湖廣黃州知府胡芳桂上八事曰足用莫先富民富民

莫先禁奢曰農工商賈各執其業而天下治曰漕政惠于旂

軍之貧運官之不肯把摠之需索曰欲民安俗化莫切于用

賢縣令欲賢令莫切于郡守司道之監臨又撫按之監察曰

天下臣僚善于其職者從來久任曰停止進學納附曰免當

舖助餉助工章下所司

張承詔等六人為給事中袁弘勳等十人為試御史


四川監軍叅議曹大受秦西南土酋獨安氏為勁其所據之

巢又為天設之險其受地則水內水外悉皆沃壤一年耕可

足三年之食其頭目則夷把漢把遇有警各率所部裹糧持


器不費主人斗米寸鉄今欲剿夷非黔蜀交攻不可何也貴

陽距蜀千有餘里而遵義永寧又隸于蜀為賊之後戶黔急



則走蜀勢有必然。宜今蜀撫兼制黔事。以調遣遵義水西畢節三路之兵。如議剿而圖大創。在相天時而察地利。何謂天時。安氏寓兵于農。當三四月間。民方急農。驅之即戎。必不悉衆以赴。此以實乘虛。天時之不可失也。若論地利。貴陽至陸廣百里。一河深險。天之限南北也。陸廣至大方百七十里。賊巢碁置。難進亦難退。僅可據險而守。獨畢節一路。與四夷交通。今為賊據。如進兵必先取畢節。臣按自永寧至赤水約百五十里。路無險碍。赤水有城可屯。宜結一大營。厚集其衆。非十萬則七八萬。進百六十里為畢節。至大方不過五十里。大

大震恐。必悉衆來拒。此必鼓勇一戰。可奪而據之。據畢節則四夷救援之路塞。然後遵義永寧之兵同日並舉。彼方欲救畢節。而又恐遵義之擬其後。欲守遵義。而又恐永寧之搗其虛。彼應接不暇。其鋒自折。此剿之策也。但黔蜀見兵不過五六萬。餉乏兵少。莫若據險而守。斷各夷應援之路。絕其商販。禁苗仲耕鑿之利。此守之策也。若師老財匱。宜馳諭須一二道臣為夷人信服者。先會雄鎮酉陽二土司議定後。上請疏。旨定奪。不三四月自可成功。蓋雄鎮女主為安位之外祖母。每諭位令速撫。以脫已罪。以外母諭外甥。便一也。酉陽之長





子冉天胤朱總督題為叅將向來傳目把之書因以通安夷  
便二也。得此二便曉諭禍福何患不輸情而自服。此撫議之  
策也。章下所司。

丙午禮科給事中閔可陞上言起舉盛典如魏忠賢未用事  
之時先經罷免及曾為撫按所糾叅又如初受忠賢嗾使擊  
排善良後無當其意亦遭斥逐自宜徐為商確若毫無所區  
別而槩據訪冊彼亦一是非此亦一是非愛憎互出毀譽並  
存不几虛起用之屢旨而負憐才之聖心乎。上善之

建。駐兵河上邊截降夷難民總兵官滿桂遣守備張守印

以三百人潛渡河殺三十二級

丁未劉鍾英為洗馬

蘇松常鎮應天水災命折光祿寺白糧一年


汰工部加銜官

徐宗達為光祿卿復趙守信中書舍人

江南吳江民訴災命議折徵

免楊漣及熊廷弼等誣贓

吏部奏寬陷諸臣復原官給還勅誥大學士劉一燝韓爌吏  
部尚書周嘉謨崔景榮余懋衡侍郎陳于廷南戶部尚書周




希聖侍郎區大倫禮部尚書李思誠李騰芳孫慎行侍郎張  
萬張鳳翔孫居相李瑾岳元聲郝名宦解經邦劉策沈演朱  
世守工部尚書朱光祚右侍郎南居益董應舉都御史曹于  
汴喻安性郭尚賓程正己畢懋康楊鶴劉可法通政倪思輝  
徐一榛王孟宸韓國藩劉宗周寺卿曹珍易應昌韋蕃陳胤  
叢倫肇脩寺丞蕭毅楊一鵬彭鯤化姜習孔彭惟成詹事曾  
楚卿錢謙益編脩葉燦文震孟侯恪陳子壯方逢年姚希孟  
庶吉士鄭鄴應天尹設自省太僕卿莊欽鄰曾一召姜志禮  
韓策陸完學滿朝薦劉維忠張涂孫之益馬孟禎倪應春羅

汝元歐陽調律張捷涂喬遷汪先岸史弼徐如珂王沆錢春  
王國瑚盛世承彭遵吉傅宗臯陳之聞汪之彥吳殿臣

戊申工科給事中顏繼祖言先臣萬燦周起元周順昌周宗  
建李應昇黃尊素繆昌期丁乾學宜贈廕陳子壯顧錫疇方  
逢年彭汝楠游鳳翔馬鳴起陳序莊欽鄰劉麟長徐應秋徐  
天衢馬任遠張孔教蔡思充邢紹德顧宗益梁廷棟袁業泗  
宜起用李師沆聶慎行命下部議

戶部尚書曹爾禎刑部尚書蘇茂相並免爾禎前撫山西祠  
魏逆至是劾去明年追論劄藉茂相亦不厭衆望



御史高弘圖劾順天府丞劉志選太僕卿梁夢環逮之  
壬子戒交結近侍諭曰朝廷設官分職內外各有攸司人臣  
守正奉公共交通甚為非法昨魏崔表裡為奸變亂祖法貽禍  
生靈業已殛誅人臣苟無私心何必巧營別竇若夫特立獨  
行之風節自可上結主知天高聽卑朕方廣詢博諮達于踰  
階歷位爾後宜各愛身名倘蹈前轍許科道糾劾務省積習  
建下二萬餘騎屯錦州塞外以都令為嚮導攻克拱兔男青  
把都板城盡有地產青把都遁復西誘東不的與合不聽我  
兵亦出哨截之回巢

前戶部尚書汪應蛟卒安徽婺源人萬曆甲戌進士

戶部尚書郭允厚兵部尚書秦士文並免

罷薊遼督師王之臣命袁崇煥為兵部尚書督師薊遼並天

津登萊等處軍務移駐關門


遼東總兵官馬世龍失事下獄

癸丑始御經筵英國公張惟賢大學士施鳳來知經筵大學

士張瑞圖等同知經筵直日講侍讀學士溫體仁等十六人

直講讀編脩倪嘉善等展書是日講大學堯典各一章賜宴

及金幣



命逮順天巡撫劉詔以御史高弘圖等奏論其陷耿如杞媚  
璫也

丁巳南吏部主事臧照如言易名之典如周順昌高攀龍魏  
大中左光斗李應昇等並蒙聖諭分別褒卹臣謹採輿論鄒  
元標高攀龍趙南星且謚李邦華孫鼎相姚希孟錢謙益許  
譽卿吳姓侯恂劉芳孫必顯鄒維璉徐大相華允誠又劉宗  
周孫慎行文震孟耿如杞宜起用周順昌魏大中家徒四壁  
宜贍給章下所司

己未御史周昌晉言欲除海寇必先除內地之奸宄又責潮

漳副總兵協救漳泉從之


庚申侯世祿為鎮朔將軍總兵官鎮守宣府

復巡倉御史

下太監李永貞劉若愚李實于獄永貞粗通文墨為司禮監  
秉筆導虐李實往蘇杭織造誣劾周起元周順昌等若愚博  
洽典故永貞每諮問之俱為言官所劾

兵科給事中宋鳴梧請內外官久任至召對薦舉並做

世廟西內當直之法通政司限字並做宋人貼黃之法又會  
典宜重脩邱濬大學衍義宜刪補上嘉納之



三月壬戌朔熊膏為右副都御史巡撫南贛汀漳熊文燦為右  
僉都御史巡撫福建耿如杞為右副都御史撫巡山西並提  
督軍務


起王光永吏部尚書改王在晉刑部尚書商周祚南兵部尚  
書起郭鞏兵部左侍郎周延儒馬之騏為禮部右侍郎張鳳  
南吏部右侍郎王家楨徐紹吉為戶部左侍郎家楨督理邊  
餉紹吉督理京省錢法

高弘圖為太僕卿添注

癸亥禮科給事中閔可陞言媚璫諸臣李蕃建三祠李精白

建兩祠迎像真定九拜呼九千歲毛一鷺建祠于應天姚宗  
文張翼明建祠于湖廣大同朱童蒙建祠于延綏用琉璃瓦  
劉詔建祠于薊鎮冕旒金像吳淳夫建祠于臨清毀民萬舍  
祠河南拆民居萬七千間祠江西拆澹臺滅明祠又江夏知  
縣王爾玉刑偏熊廷弼長子自刎于獄廷弼妻稱冤裸杖  
其二婢貪暴何如也又鄒元標馮從吾之理學楊漣之節義  
沈維炳劉懋皆力救楊漣尚淹其啟事各一原官餘復何望  
哉命召沈維炳劉懋等

甲子巡撫延綏岳和聲言鎮餉京運歲額四十三萬三千七



百三十九金四川協濟歲額四萬金今歷欠百五十餘萬以  
套下言之吉能物故諸子幼弱首婦以罕同空名統屬之是  
以干兒罵炒計旂牌等首自天啟五年背盟入犯又款下市  
賞兵部欠馬價八千三百六十金今春何抵乞以陝西新餉  
二十六萬給延綏抵解遼餉章下所司

禁漳州泉州人販海

王在晉改刑部尚書王永光改戶部尚書各仍太子太保


乙丑 大行皇帝發引已巳葬德陵

故侍郎楊東明贈刑部尚書故 郭壁贈南工部右侍郎

丙寅河南道御史羅元賓言揆地盈列相業宜先自葉向高  
以來陰陽閃爍彼此彌縫骨鯁之風微養癰不顧今結轍可  
更積威所劫如票擬張凌雲陳大用之侵欺科臣郭興治請  
美明而曰不必苛求閔撫失事聽其規避寬張體乾田爾耕  
之罪此專擅行私之漸也焉用彼相哉

戊辰前順天巡撫單明詡工部左侍郎何宗聖張文郁削籍  
前吏部尚書周應秋閑住革職以吏科都給事中魏炤乘劾  
其媚璫躡進也

諭近來詰勅繁稱過情殊為非體今後撰擬不由詞臣繕寫



不由中書者俱按駁從中書舍人李不代之請  
御史吳煥上言五事清軍餉汰冗吏覈循良懲貪墨減加派  
上是之

雲密卒乏餉而囂事聞戶兵二部奏請速給之


許各官章奏如古貼黃法節其要粘進著為令大學士李國  
樞言之

李國樞上十事厲必為之志務典學之益執摠覽之要廣聽  
納之方謹內侍之漸崇節儉之德覈職掌之實精用人之衡  
恤下民之苦循久任之法 上大是之

補章允儒等五人給事中喬承詔等十三人御史

巡撫遼東畢自肅言邊事曰審布置之法三方並建毛鎮吉  
居東寧鎮居西登鎮居中共為應援聞旅順去南四衛甚近  
險阻可馮若令登鎮以全力移守相地據險收集遼民為屯  
進取之基後責寧鎮協力並舉恢復河東曰明戰守之法偏  
箱車重大難旋溝壑惟田車為便若得千餘輛驟引之無事  
轉輸有事列營外列拒馬木布置槍炮內藏精騎逐北曰慎  
沿邊之防云云章下部覆行

兵科左給事中李魯生免工科給事中顏繼祖言先帝時



票擬不歸閣臣逮繫俱出中旨長有安噴有繁言魯生明目  
張膽謂肯不從中出而誰出甚創執中為帝宅中為王之說  
牽強附會長忠賢矯擅之惡天啟五年七月既枚卜詞林循  
資拾級人覲覲焉得真才而用之且考成云者成即為老  
老子識非老子年蓋陰為馮銓地也丁卯典試湖廣試錄後  
序荒唐頗僻謂屈悲宋謔安所用之又云據所欲出朝上而  
夕報可小臣呼吸上通帝座之驗也明取旨如寄不敬莫大  
焉命部議處已削籍明年遣戍  
大學士施鳳來張瑞圖並免各進太傅廕尚寶司丞遣行人

賜金幣廩役


兵部尚書閻鳴泰免明年遣戍鳴泰前薦前總督薊遼王象  
乾云往事不具論自天年二年二月廣寧陷後以中樞自請  
行邊至關門率撫夷諸將王牧民朱梅等至八里舖呼虎首  
之中軍前貴英恰等而勞之各踴躍從命時象乾年已八旬  
下部議  
御史高弘圖郭興言張文熙俱為太僕少卿胡承詔為南太  
僕卿

工科都給事中陳維新調山東布政使左叅政

國權

崇禎元年

二六





戊辰禮部左侍郎李孫宸署翰林院事

己巳錢謙益為詹事

兵科給事中楊時化論

高平知縣喬淳貪淫下臺獄

魏照乘為太常少卿添注提督四夷館楊維垣李宜培各為太僕少卿添注

壬申援遼總兵官毛文龍奏建遣可孤山馬秀才等五

人至皮島求款

癸酉盜焚劍州

丁丑奉熹宗慈皇帝神主于慈寧宮

己卯戶科給事中鍾炘言熊明遇黃龍光徐良彥鄒維璉鄧

漢誣贖破家今日沒者邱更宜贈廕戍者釋更宜冠帶廢者

用更宜勅注

冊擬如北城兵馬司指揮彭大科以乙榜不往賀第上梁推

工部主事年載不下竟調景東府棄去雖乙榜亦不可

輕也

辛巳味爽陝西天赤如血射牖隙皆赤色


壬午入大安口尋遁去

勅倉漕大臣通惠河司官各先期浚河毋阻運從巡倉御史

國權

崇禎元年

三



李遵之言也

重脩光宗皇帝實錄成 光廟紀事僅周月先成因國本紅  
丸多煩詞命重脩以進  
刑部 侍郎黃兆元卒  
太監崔文昇下獄成南京

御史張三模言今日郡下非他即強半事魏忠賢媚崔呈秀  
之流晝伏之氣忌明靈場之鬼且夜其心固不欲世界光明  
也此輩反覆布置必欲使楊左不為忠臣鄒趙盡為邪黨意  
原被魏忠賢厭薄斥去者本屬黨類可急引為同調至會題


差處者可歸罪忠賢已耳獨首被摧折之徒皆彼合謀并力  
以攻之而駟不及舌言猶在耳諸臣若來邪正難掩不得不  
舉王安為對案借李三才為葛藤同市井之白賴願左右而  
言他尚恐聖意猶疑旁觀未厭遂言澄汰已清紛囂可禁徒  
見其張皇太甚愈增狼狽矣夫自逆璫發難雖名役用諸人  
實諸人陰用逆璫又各用之以報怨爭寵今禁錮塗抹往日  
諸臣索垢尋瘢謂不可用執一之案據相尋之轍永忠于魏  
崔豈不悖哉

故左都御史鄒元標高攀龍左副都御史楊漣左僉都御史

國權

崇禎元年

天



左光斗工部尚書馮從吾應天巡撫周起元給事中吳國華  
魏大中太僕少卿周朝瑞御史吳裕中周宗建黃尊素李應  
昇夏之令袁化中吏部員外郎周順昌工部郎中萬燝吏部  
郎中蘇繼歐左諭德繆昌期檢討丁乾學陝西按察副使顧  
大章揚州知府劉鐸刑部員外郎張汝各贈廕有差

前大學士方從哲卒字 浙江德清人籍錦衣衛萬曆癸


未進士官檢討歷今官予祭葬贈太師廕尚寶司丞

癸未戶科給事中張承詔奏薦廢籍諸臣陸文獻鄭以偉熊  
明遇李邦華徐良彥易應昌熊德陽李日宣黃龍光熊化鄒

維璉徐大相樊尚燝溫國奇練國事沈華禎又申用懋劉永  
基吳默姚希孟錢謙益王志堅劉錫玄陸康稷未刺黃運泰  
董懋中

甲申四川道御史吳煥奏劾太監崔文昇曹欽程等罪狀命  
下法司

乙酉南兵部武選主事劉如綸言三朝要典史臣斷案多與  
聖意矛盾云々有旨要典纂脩雖在逆璫竊柄之年實天啟  
前事史臣如曾楚卿徐紹吉謝啟光朱繼祚楊世芳被逐凡  
畫書成絕不加恩書中人品不同議論各異孔子云不以言



舉人不以人廢言朕仰承謨烈俯察品流存是書以定君臣  
父子之衡虛其心以書用舍進退之法本自矛盾一有何矛  
盾劉如綸妄言姑不完  
發帑金五十萬濟陝西軍餉  
丙戌兵科給事中顏繼祖薦汝楠周國賓王夢尹添註京  
堂及太常博士兵部員外郎俱不許  
揀漢虎墩兔慈殺那木兒台吉

四月癸巳策貢士曹勳等三百五十人賜若宰等進士出身有  
差故事廷對三月望日以前先帝山陵移其期

南京倉庫告匱命撥江西湖廣漕運濟之


命禮部禱雨

薛三省為南禮部尚書喻安性為兵部尚書提督薊遼保定  
等處軍務

岷王幹趾薨

丙申黃克纘為南吏部尚書杜士全為南工部尚書呂圖南  
為南戶部右侍郎總理糧儲

王祚遠張鳳翔為吏部左右侍郎祚遠尋署部事李成名為  
戶部右侍郎唐世濟為兵部左侍郎丁啟睿王尊德為刑部



左右侍郎

李邦華為工部左侍郎提督河道崔爾進為戶部右侍郎督理遠餉巡撫天津等處贊理征東軍務楊嗣脩為右僉都御史巡撫寧夏

前少師大學士葉向高字進卿福建福清人萬歷癸未進士授檢討歷南禮部右侍郎進禮部尚書東閣大學士獨相五年時神廟久不朝章疏多留中向高善因事補救神廟心重之大啟初再相邊圉日棘魏忠賢竊政向高欲調劑中外更蔓其禍識者悲之年十子祭墓贈太師謚文忠


廢尚寶司丞

吏部尚書房壯麗免

前吏部左侍郎黃儒炳卒

命六科進稱頌魏忠賢紅本

庚子兵科都給事中許可徵奏清錦衣詭籍曰澄銓轉之源祖制世職與本衛原籍科目者兼用流官止許帶俸今大紊矣有不冝堂上而堂官不冝筦事而筦事有假軍政叅處有冒籍本衛有胥皂亡命借加納名色儼然冠裳當一一查汰曰責成功之實曰申戢獲之規限懸牌之額清政授之弊嚴



漏網之誅防造言害政之漸上從之  
戶科給事中楊時化追論御史石三畏陷張慎言請張慎言  
處分三畏報聞

御史高捷言魏忠賢時工部主事楊惟中冒右副都御史之  
銜袁燝乙丑進士筮仕八月秩進太常少卿彼何術而速化  
若是陝西新舊督臣史永安王之采具疏祠璫今互謾閱其  
章奏終不能詳編修吳孔嘉脩怨同族吳養春等甘事逆璫  
黃山獻諛流毒鄉井乞此五人或斥或勘報可  
洪瞻祖牟志夔劾免

諭各科章奏繁冗今後廷臣遵降貼黃式否則會極門內臣  
不許入

禮部右侍郎羅喻義直日講

故知縣王碩輔子徵 廕畢節衛正千戶


遼東前鋒總兵官朱梅告老不休

孔聞詩王猷瞿式耜陳獻策余昌祚劉斯球張國維王都為  
給事中聞詩吏科猷式耜戶科獻策兵科昌祚斯球國維刑  
科都工科裴君錫許國榮許世蓋孟國祚祝世美盧兆龍顧  
國寶張元趙京仕韓一良王家彥馬思理鄧鏌葛應斗張

國權

崇禎元年

三三




鏡心劉安行陳績化李春望馮杰王繼廉王道直汪應元陳  
廷謨曹暹史堃馬如蛟李完郁成治黃宗昌徐尚勳毛羽健  
張學周梁子藩高欽舜龔一程周維新馮明玠戴相鄧啟隆  
鄒敏祚吳王倪元珙趙洪範任贊化張茂梧顧其國李嵩姜  
兆張饒京王應斗田時震王相說牛冲玄高賚明劉調羹為  
試御史萬鵬為南給事中馮來聘韓相劉養粹沈希韶任傑  
倪成章王之朝為南試御史  
巡撫河南郭增光疾去

壬寅御史范復粹言復遼必先守蓋套蓋套必先南北汎口

蓋套抵三岔口風半日西至覺華島一日聲勢可張林木森  
茂進而營蓋套因進連雲海上設伏三岔河進牛莊進如  
寨敵至則我歸敵去則我駐而毛文龍之子承祿官都督僉  
事宜分兵守汎口成南衛進迫之勢報聞  
癸卯御史潘士遴劾巡撫福建朱一馮緩則擁節急則鼠竄  
南戶部右侍郎王瑛以按察使數月超點撫歲餘入司農其  
何解于通閣之罪乎

戶科給事中楊時化工科給事中顏繼祖各劾太僕少卿兼  
兵科左給事中李魯生導啟中旨繼祖并及李蕃



許代王全祿不為例

甲辰南武選主事劉如綸請郡縣專練鄉兵

乙巳遼東叅謀都司胡以寧上言方略若蓋套若長生島若鎮江鳳凰山若鴨綠橫江等處皆可出奇為疑伏為犄角而右屯廣野膏腴之地大可興屯又于三岔上設十二屯堡又言遼之地東海北山中土膏腴山有五金之利海有魚鹽之利地有五穀林木之利今能效趙充國之屯田又效筦子之鑄山煮海何加派重額之為又言徒流當議者赦閱實當罰者與之贖重則議遣遼東以實邊塞


御史葉成章言柴炭商人拘送惜薪司之苦又濫而不節者冒破之端也積而無用者朽蠹之物也 皇上誠召惜薪司而問之比歲供十有八廠者果盡輸大內乎盡輸果無屑越無贏餘乎有之則清其耗蠹歲可省十之三核其虛冒歲可省十之二 上是之

王業浩為太僕少卿周宗文為尚寶司卿

太僕卿李蕃免

命正真一人張顯庸禱雨

己酉諭通政司近乞卹典太濫如會典例不合毋封進





張道濬為錦衣衛僉書

司禮太監王永祚提督東廠

濟陽衛指揮卓銘乞開採奪俸五月戒以後瑣利

庚戌王伉為右通政


諭吏部諭前大學士韓爌

建千餘騎自收臺至閭陽駟授一夷謾書而去大略謂我  
鎮撫不能又不肯和是欲用刀兵而戕民命耳又云挿首已  
西遁其頭目歸之者衆令我東西受敵云時建苦飢欲脅  
款也

御史李炳言挿首戰撫機宜云虎墩憨駐牧遠邊素稱款

鬼

夷今吞哈喇慎諸部乘勝西徧卜石鬼欲并得卜首諸部市  
賞要挾無厭今惟有講折與撫賞兩折講折之說挿首以下  
初賞額數萬今數年遞加至三十八萬思不少背一也蘄遠  
撫賞三十八萬宣府諸部止十八萬大同卜首止十一萬多  
寡相懸舍何舍多而就少二也卜首願分以與猛首猛首不  
可以分卜首三也挿首分兵同攻不惟自絕于天朝亦自輕  
其部落四也宜明布文告抑其桀驁之志至于撫賞在遠左  
諸如挿首虎墩兔歲十二萬挿漢下小歹青歲二萬六千



有奇拱兔二枝歲一萬六千五百有奇哈喇慎歲二萬七千二百餘又有色令等部零費今既多為建所吞則此七部之賞宜酌歲額以賞挿首如挿首欲得王號以雄于諸則如順義王之例加封柰何致其渝盟要挾哉章下部覆行之時虎墩兔于宣府塞外張家口十里聲言欲得卜石鬼市賞詔之使詣陽和講誓初犯殺胡堡叅將益吉以計却之江西道御史郁成治言易名之典聞已有明旨該部十年不復得母子孫式微不能載贄而先容當事乎以私害公莫此為甚乞該部速覆以俟聖裁并謚周宗建上是之

癸丑王繼光為太僕卿

琉球國中山王世子尚豊入貢


存問前南戶部尚書林學曾

孔貞運為少詹事

甲寅冊貴妃田氏淑妃袁氏


議自錦州右屯廣寧至三岔河築城

丙辰侍講倪元璐上言三朝要典成于逆豎其書當速毀請詳其說當事起議盈廷互訟主挺擊者力護東宮爭挺擊者計安神祖主紅丸者仗義之言爭紅丸者原情之論主移




宮者弭變于幾先爭移宮者持平于事後六者各有其是不  
可偏非以為忠悃則皆忠悃以為明見則皆明見摠在逆璫  
未用之先群小未升之日雖甚水火不害墳麓此一局也既  
而楊漣二十四罪之疏發魏廣徵此輩門戶之說興于是逆  
璫殺人則借三案群小求富貴則又借三案此二借而三案  
之面目全非矣故允推慈歸孝于先皇正其頌德稱功于  
義父又一局也網已密而猶疑有遺鱗勢極重而或憂其翻  
局于是魏崔諸奸創立私編標題要典以之批根今日則衆  
正之黨碑以之免死他年即上公之鈇券又一局也由此而

觀三案者天下之公議要典者魏氏之私書三案自三案要  
典自要典今為金石不刊之論者誠未深思若夫翻即紛囂  
改亦多事以臣所見惟有毀之而已以閣鑒之權而屈役史  
臣之筆亘古未聞當毀一未易代而有編年不直書而加論  
斷若云彷彿明倫規模大典則是魏忠賢欲與肅皇帝爭  
聖崔呈秀可與張學敬比賢悖逆非倫當與二矯誣先帝  
偽撰宸篇既不可比司馬光資治通鑑之書亦不得援宋神  
宗之手製序文為例假竊証妄當毀三又况史局將開館抄  
具脩七載非難稽之世實錄有本等之書何事留此駢枝供



人唾罵當毀四故臣謂此書不毀必有受其累者非主三案者之累而爭三案者之累及纂脩三案者之累也何也爭三案諸臣其品原分三等如崔呈秀劉志選李春昱等之附和希寵不足問矣最上如黃克纘賈繼春王業浩高弘圖劉廷宣等始處君子而不必求同既遇小人而自能為異本末炳然雖有忤者莫或能加之也然管華之席未割老韓之傳同編在數臣高明之觀豈不引為坐塗之辱若其次者雖有盡有撐持要亦不皆濡染而特又以史氏抑揚之過保不為後人翻駁之端至于纂脩詞臣之在當日更有難焉者丹鉛未

下斧鑿先懸姜逢元閣筆一歎朝聞夕逐矣楊世芳吳士元余煌等備極調維其于忤璫諸疏有匿其全文有刪其已甚者時傳書成而獄已又起則有寧加醜詆之詞而決不下一不道無將等字以傳會爰書者凡此苦心亦多方矣而事在見聞之外未易可明彈章一加萬節俱喪此臣之所謂累也願勅下該部立將三朝要典鋟板毀焚仍命閣臣開館纂脩天啟實錄捐化成心編纂信史勿以恩怨橫胸一切妖言市語如舊傳點將之謠新騰選佛之說毋妄形奏牘則廓然蕩平矣有旨已有實錄自不必復增要典着禮部會史館諸臣




詳議具奏

戶科給事中瞿式耜上言挺擊事贈卹劉光復而于王之案  
靳之不平者一紅丸事孫慎行尚推敲啟事而李可灼先登  
訪冊儼然與廢棄諸賢並列不平者二移宮一案楊漣左光  
斗一時激烈未始非杜漸防微今必欲為連罪案何居乎不  
平者三封疆為重熊廷弼梟首西市而楊鎬王化貞竟逍遙  
福堂不平者四楊左與王安初非有交結之情乃今動以王  
楊魏崔為對案不平者五宰相為諸大臣之綱造毒之魏廣  
徵逐臙之顧秉謙媚璫取厭之馮銓璫敗彌縫之黃立極願

竊思綸擁富貴不平者六

戊午御史黃宗昌言矯旨不可不辨偽官不可不刪命覆之  
庚申日講官檢討李明睿言要典會議存毀曰毀則誠宜毀  
曰存亦何必不存、而後 皇上之所放殛所遺者可得  
其所是不至稽誅于極辨之朝 皇上之所側席而求者可  
盡得其所非不必更勞乎夢卜報聞 皇上之所側席而求者可  
建 以二萬騎經廣寧西助揅漢。

協理京營兵部尚書霍維華請營軍盡日而操非日加銀三  
分不可其月糧一石宜定某倉專領營馬原額二萬一千二



百餘匹每匹月支芻豆八錢六分不若精選萬匹餘歸太僕  
寺變價貯庫可省料萬餘金將選鋒二萬人分兩班日加銀  
三分當操部覆行之

五月辛酉朔侍讀孫之獬上言要典萬不可毀泣訴于朝命下  
廷議

吳自勉為鎮西將軍總兵官鎮守延綏王承恩為鎮朔將軍  
總守官鎮守臨洮楊國柱仍都督僉事總兵官鎮守浙江  
壬戌陳必謙補南京江西御史  
癸亥時兵部推霍維華署督師事代之臣工科顏繼祖言

以維華行而速之臣之去是欲庇之臣也以維華署事而緩  
袁崇煥之來是不欲用崇煥也維華狡人璫熾則借璫以敗  
則攻璫擊楊左者維華也楊左逮而陽為救者亦維華也甲  
子歲以刑科給事中倭同卿倭侍郎倭尚書倭官保無叙不  
及有賚必加臣所不能為維華解乞立行褫革以儆官邪遂  
罷維華行邊命王之臣不得移鎮

前兵部尚書呂純如子世爰廕監


命職兵部職方郎中余大成進太僕少卿

左副都御史楊所脩落職閑住御史田景新削籍以科給

國權

崇禎元年

四




事中張國維論其獻媚邪黨也。

丙寅太僕少卿楊維垣削籍禮科給事中李恒茂落職閑住御史鄒胤祚等屢劾維垣為逆璫私人占氣最先轉身最捷貪天為功賣名市重如韓廣郭元標馮從吾楊濂文震益皆極力詆誣而李恒茂與之聲勢相倚並宜處分故有是命丁卯王永光改吏部尚書進太子太傅

戶科給事中黃承吳言國計民生戰守撫剿之局宜計屯田之舉宜行鼓鑄之利病宜講加派之額數宜均如山陽止派七千三百金有奇桃源及派八千二百金郟城正賦止二萬

四千金遼餉加萬一千有奇織造之錢糧宜問上善之已已燬三朝要典諭曰 皇祖皇考泊于 熹皇止慈止孝載之實錄足昭盛美乃復增要典原不能于已明之紀綱復加闡揚徒刻深附會編駁不倫朕無取焉今盡燬不行自今而後官方不以此書定臧否人才不以此書定進退三朝原無遺議昭明前烈注意編摩諸臣各宜捐去成心勿滋異論卿等其共知之

霍維華免維華為給事中時排楊左紅丸移宮之議例轉按察副使楊左去復原官累遷兵部右侍郎至尚書天啟末叙



寧錦功忤璫引去今起官被劾閑住明年遣戍  
朵顏衛夷目酋蘇不的即長昂孫三十六家同伯顏阿亥等  
部與揀漢虎墩兔憨戰于教木林揀漢失利殺傷萬餘人  
許大學士李國楛終養進少傅廢子尚寶司丞賜金幣廩役  
行人護送


喬允升為刑部尚書岳駿聲為通政使王洽工部右侍郎武  
之望為南刑部左侍郎陸文獻洪如鐘為右副都御史巡撫  
江西湖廣楊述程梅之煥為右僉都御史巡撫廣西甘肅  
庚午侍講孫之獬引疾去御史吳煥劾其對君無禮拜疏不

曰進呈而曰投入上以回籍不問  
起曹于汴左都御史鄭三俊南戶部尚書改李邦華兵部左  
侍郎

辛未劉重慶為大理左寺丞  
巡撫大同張翼明免言官劾其附璫躡進也

太常卿阮大鍼免大鍼與左光斗同里有隙天啟甲子吏科  
都給事中闕宜補大鍼而魏大中得之後左魏被劾出大鍼  
意至是御史毛羽健劾其黨邪明年追論削籍

戶部左侍郎徐紹吉免前御史張綱削籍御史馬如蛟劾紹






吉為諫臣時黨附喬應甲等攻國本諸臣丁巳筦察除正類  
殆盡及魏忠賢擅權又使其姻家張綱首叅鄒元標馮從吾  
輩禍自此起同崔魏謀創要典把持恫喝故有是命明年紹  
吉削籍張綱遣戍

御史王相說奏列民窮在宥司弊四曰火耗之侵尅曰濫詞  
之罰贖曰代折之打劫曰佐領之橫噬在地方弊四曰田糧  
之隱冒曰強賊之擾害曰豪右之欺凌曰游惰之冗食在衙  
門弊四曰庫藏之侵漁曰解徵之扣除曰僉派之騷擾曰儀  
文之借取在功令弊四曰加派之積欠曰雜稅之保奸曰防

察之赫詐曰查盤之罪名凡此之病摠竭民膏血而除此之  
弊則惟巡方能之而其要在選擇賢令而已 上善之  
挿漢夷目辜生等百餘騎至宣府新平堡脅賞初約五十騎  
倏踰數譁喧叅將方裕昆誘入甕城殲之自焚闕將軍廟折  
牆數仞委款以自解

癸酉大學士高拱孫則益廕中書舍人

巡撫登萊孫國楨言上言內官王國興擅到海上稱密旨召  
毛文龍踪跡詭秘 上謂初撤鎮使未嘗輕遣內臣命逮國  
興下獄論死



海盜鄭芝龍掠福建浙江海上御史戴栢言防禦失宜要地  
宜防奸民宜絕私船宜禁軍餉宜清保甲宜申鄉兵宜練章  
下所司

御史袁弘勳劾大學士劉鴻訓一到黃扉岸然自命兇鋒殺  
氣揚眉宇間同僚拱避浹旬之間革職閑住引退無虛日  
也此果 皇上之內降乎抑輔臣之辣手乎最可異者楊所  
修賈繼春楊維垣夾攻表裏之奸有功無罪而誅鋤禁錮自  
三臣始且軍國大事未暇平章惟亟燬要典謂玄黃水火是  
書為祟今燬矣玄黃水火息耶戰耶未燬以前崔魏防借之


以空善類既燬之後鴻訓反借之以殛忠良以暴易暴長此  
安窮且詆其奉使朝鮮貂參滿載云々又錦衣衛南鎮撫司  
僉書張道濬亦疏劾之

甲戌裁各部添註書官

太僕少卿李蕃免御史王之朝奏劾其督學時曾建祠也初  
禮科給事中李恒茂御史李魯生李蕃號三李謠曰官要起  
問三李

傳樞周士朴為太常少卿房可壯為山東道御史

御史徐尚默言四事票擬宜一選館宜公困窮宜恤內地武



脩置脩報聞

乙亥御史曹暹劾大學士來宗道不問時楊景辰被御史劾  
上亦不問

丁丑工科給事中顏繼祖言大學士劉鴻訓先朝削奪朝鮮  
一役舟壞僅以身免乞諭楊景辰劉鴻訓速入直立籌安攘  
之策至袁弘勳之借趙抽身張道濬之出位亂政非重創未  
有已也 上是之

左僉都御史曾繼春免天啟初繼春在臺爭移宮忤楊左剛  
籍楊左去中旨復繼春御史 上嗣位踰月繼春督學南京

上疏劾忠賢怙權流毒狀累遷內臺給事中劉斯垓劾其變  
幻巧詐明年削籍

戊寅御史史堃高捷俱劾劉鴻訓罪狀

已卯予故通政司使林材祭葬

編修倪元璐追論前大學士顧秉謙等媚璫以去輔不問  
田珍程註為大理右少卿田仰為太僕卿

庶吉士李建泰為編脩


發帑金五十萬餉邊

西下犯延綏總兵官杜文煥拒卻之

國權

崇禎元年

四



壬午南戶部尚書張朴免

癸未兵部尚書劉廷元免御史任贊化劾其御史時挺擊一案主風癩之說也

前刑部尚書薛貞削籍


禮部員外郎游王廷言自遼陽加派以來科催甚亟不肖有司則勒火耗民柰何不窮請嚴禁之章下所司

甲申御史吳玉泰太常少卿趙興邦逆黨

上召諸臣于平臺諭輔臣來宗道等曰票擬之事須悉心商確諭吏部曰起廢太重會推宜慎侍郎王祚遠復請添註不

允責戶部帑金零星邊餉措辦無術侍郎王家楨引罪諭兵部邊事尚書王在晉語未詳命內使授筆札錄進諭刑部天早允用法務效先朝平允已出故給事中毛士龍辨疏問果枉否科道俱曰士龍事屬風影望寬之各頓首退已順天府丞邵輔忠劾士龍下廷議

乙酉諭吏戶兵三部曰昨召對九卿科道等官輔臣劉鴻訓奏官員更調甚速若不行久任之法終鮮實效又云海內差繁賦重更不可加派朕切思之更調速則民濫擾官久任則課成功今後藩臬郡邑官務擇人地相宜俱如舊制俸期一



日未足不許朦轉改調言官薦舉人才不無過私市恩今後  
吏部以薦疏成冊或隱職情事舉主連坐遼黔兵事未結加  
派前已不少該部將新舊兵餉造簡明冊進呈撫按官查有  
司私派即叅處三尺具在斷不寬貸司農繫軍國命脈非清  
嚴心計之臣豈勝厥任所薦畢自嚴才品兼優戶部尚書闕  
速行推補


起畢自嚴戶部尚書李長庚工部尚書孫居相吏部左侍郎  
督理京省錢法熊明遇兵部右侍郎賈毓祥左副都御史楊  
鶴為左僉都御史張宗衡為右僉都御史巡撫大同兼贊理

### 軍務

丁亥建入犯河西高橋朱家窪塔山又圍大興堡誘我降  
夷桑昂兒介順不聽詈之見執搃兵朱梅炮卻之越數日上  
謾書求款邊臣不應去之

張可大為都督 搃兵官鎮守登萊朱梅為前鋒將軍搃  
兵官鎮守寧遠

光祿少卿康新民等言臣等川人也天啟辛酉八月奢寅發  
難以底平定時閱七年文武將吏尚未邀半通之綸乞下該  
部覈功如搃督朱燮元御史張論監軍胡平表並賜廕擢章



下所司

起韓繼思光祿寺卿

常自裕朱文煥馮可賓文士昂龔而安給事中陳乾陽李長為

春劉光汴羅世錦黃昌吳春謙為試御史昌春謙南京

戊子韓一良補戶科給事中

己丑奪前大學士顧秉謙魏廣徵恩廕

棟漢夷目貴英哈為虎墩兔慈塔狡猾善用兵將眾既死新

平堡其妻兀浪哈丈帥眾自得勝路入犯洪賜鎮川堡達折

牆入忽報下至旅店三十里初不得傳烽以喇嘛僧止戰也

急保倚北關為營遂圍大同貴英哈妻兀浪哈丈主之大營

可五萬騎屯海子灘則虎墩兔也代王昂渭同士民力守知

縣王搜奸謀二十餘人下知之分屯四營流掠渾源懷

仁桑乾河玉龍洞二百餘里裸淫婦女酣飲五日遣夷至搃

督張曉所脅賞曉遣西僧王哈嘛往諭時苦旱乏水草我援

兵漸集乃退冀北道副使李貞宇借帑金千八百有奇勞軍

士衛城守後失補削籍


廣寧兵截建下西走建下退

故太子太保禮部尚書林堯俞贈少保謚文簡

國權

崇禎元年

四六



是月西安府城夜墜火數十大如礮次如斗時出入民各襪  
之而不為害七日止

福建山寇大作

道童象恒剿敗之

六月庚寅朔虜犯大同山陰知縣劉以南禦卻之

奪前工部尚書孫杰官廕禮科給事中仇維楨劾其邪黨也

辛卯故

鄭鼎和贈光祿寺卿廕子錦衣衛正千戶

故巡撫延綏右副都御史金忠士廕錦衣衛正千戶

丁字庫火

壬辰禮部尚書孟紹虞致仕賜金幣

太僕寺卿高弘圖引疾去


癸巳揀漢虎墩鬼慙出塞

兵部左侍郎郭鞏右副都御史張素養巡撫江西陸文獻並

國權

崇禎元年

四十九



免言官各劾其附璫也


工科給事中劉安行巡視太倉銀庫奏預支官俸之弊積侵三十六萬命安行同戶部清覈自某年某月某人歷々查明限旬日奏上

乙未 上召廷臣於平臺問揄首若何來宗道曰虜出口近已少寬因許發帑十萬戶部左侍郎王家禎曰已解去八萬金 上責家禎不為預備又以刑科都給事中薛國觀疏營伍之弊令自宣讀至闕門虛冒 上善之復示諸臣召兵部問揄首狀王在晉對訖時報虜退 上問何以即退劉鴻訓直又逋負數多乞責成撫按勒限完解摘其尤者題奏一二上從之

麻登雲為鎮西將軍總兵官鎮守山海等處楊嘉謨為平羗將軍總兵官鎮守甘肅尤世祿為征西將軍總兵官鎮守寧夏祖大壽為征前將軍總兵官鎮守遼東前鋒 卿起張潑太僕少卿

丙申前戶部尚書黃運泰兵部尚書閻鳴泰吏部尚書周應秋並削籍以御史梁子璠劾其媚璫也

南兵部尚書范濟世免御史卓邁削籍以御史田時震劾其





黨逆也

丁酉何如寵為禮部尚書胡應台為南兵部尚書武之望為  
右都御史兼兵部右侍郎總督陝西三邊軍務李若星為工  
部右侍郎總理河道田仰為右副都御史巡撫四川魏照乘  
為右僉都御史巡撫江西劉重卿為大理寺右少卿  
太僕卿郭興治削籍御史徐尚勳劾其媚奸也


大學士楊景辰罷景辰新被命議者以預脩要典故屢請告  
進少保廕中書舍人行人護行

御史郁成治請復京官肩輿 上以科道官擅乘肩輿經草

曰 至流掠頰兵堅城之下知其不久 上是之召提督京  
營保定侯梁世勳諭以訓練吏部以袁弘勳事何久不勘奏  
也侍郎王祚遠曰考功之法至為民而止諭刑部所追陳大  
用贓助餉諭科道以民為邦本復出御批文冊令編閱

陳洪範為南右軍都督府僉書兼提督大教場

尚寶司丞李日華言興文教四事曰代言詞臣口代天言何  
如鄭重獎許之中微舍訓誡近編輯諛詞務極駢麗甚有曲  
搜微美代祝壽祺王言之褻甚矣曰進言 神祖久御厭薄  
臣下囂浮章奏閣置攻訐詭樂賜容覆令則字 俱經睿



覽安得不擇一示慢侮者乎示創懲乎曰法言部院諸司歲  
委屬官一員專理條例遇有更張隨時酌定曰立言令郡國  
各舉耆儒將郡邑山川形勝戶口人物畜產田畝編輯成帙  
類送提學使臣申達禮部為纂脩天下圖經張本章下所司  
命翰林官九值召對入侍記注

太僕卿田仰言寺馬專給團營騎操自種馬廢而改俵馬俵  
馬起而分本折色已非立法初意自行太僕寺廢苑馬寺廢  
各邊皆仰給予臣寺之折色而馬制蕩然矣近歲入馬價  
不過四十五萬二百餘金皇上不時賞賚不預焉今各省

今又隱其名竹兜謫

典史

時朵顏三衛頭目來不的與虎墩兔憨構兵搃督張鳳翼檄  
諭之曰爾始祖都督完者帖木兒以來世効忠順挿漢奪爾  
巢穴爾聚兵報復然爾三十六家力弱又合順義王乃濟今  
聞欲與建合彼貪詐無信何自投于陷穽之中也

命予楊漣魏大中周順昌詹謚且祭厥衛寃斃者于京師祈


雨壇

戊戌工科給事中顏繼祖以缺額請元年五月以前九加納  
准貢通判運副運判等各倍納若干即註見闕不許

國權

崇禎元年

五三



葉燦劉鍾英為禮部右侍郎協理詹事府傳冠為左春坊左中允

己亥征蠻將軍鎮守雲南總兵官黔國公沐起元卒

胡繼美為大理寺左寺丞侍講徐時泰賜金幣

庚子故禮部尚書劉楚先贈太子太保詹中書舍人

辛丑誅錦衣衛都指揮使許顯純

搃督陝西吏部尚書王永光蒞任


壬寅大學士錢龍錫入朝

駙馬都尉鞏永固尚樂安長公主

禮部主事陳鍾盛言永固年餘未婚非制也命即擇日成婚越數月閹媼仍隔絕如故鍾盛復以聞上怒其褻降二級調外送永固太學演禮三月

兵部議揀漢虎墩兔憨講賞得勝口有旨得勝口無險可恃狡謀叵測勿輕許上銳精邊事欲矯弊更轍以市賞日壞徒耗金錢墮軍實因卜素沒草其賞雖邊臣屢為揀漢請勿允之也

設遷曰胡部合則強分則弱揀漢以元裔國初嘗遣使聘問今處其衰再世不貢而順義王遜敗之餘獨虎墩兔為



勁力能扼建。漢不離烏孫匈奴乎。且卜素虧賞者八年。借以糜之。裨不與建。合亦伐交之道也。我拒之堅。彼計求一逞。勢必合建。寧有餘力以兩制之哉。事有似正而失之膠者。揅議是也。

乙巳前大學士馮銓削籍

總督京營保定侯梁世勳罷

故貴陽府同知嘉興王胤昌加贈光祿卿

設遷曰王氏城陷後疾沒民舍其事與慷慨赴義遠矣。惟蓋之恤稍優以一階其恩已渥。蒙廕金吾幽秩加等不已。

過乎季世而下勸忠之典。遂開濫竇。被之不足為榮。如王氏者未易一二數也。

司禮秉筆太監王敏政有罪免

夜月食

丙午予故禮部尚書翁正春祭葬字

福建侯官人萬歷

己卯鄉舉任尤溪教諭壬辰預南宮廷對第一授脩撰累至令官天啟初起原官尋卒方毅嚴重不妄言笑朝野稱之


大學士周道登言三事守祖制東虛公責實效

丁未兵部議招海盜鄭芝龍芝龍本同安寧人子流入日

國權

崇禎元年

五十四



本夷主女妻之一日孥舟無歸無賴依附求返內地軍帥納其金爽約遂寇掠

已酉誅前提督巡捕營都督張體乾參將谷應選

起朱燮元兵部尚書兼右都御史提督貴州四川湖廣雲南廣西軍務兼督糧餉巡撫貴州湖北湖南川東偏沅等處移駐貴竹燮元在黔周觀形勢奏黔中山林深阻苗夷錯處惟上下六衛一道徑通逆苗慄勇嗜殺當示以必戰師已踰險如鼠鬪穴中將勇者勝若專在拊循至秋水涸寇必大至士不得解甲者八年于今矣計不素定緩急失序首尾衝決爵

秩太易則衆志競將領太多則號令勢此前鑒之最明也如臣愚策據險要立營壘飭兵馬練戰士以待其至坐得致敵之術曩者諸將校坐糜廩食無以塞責竊取小功自相誇誇此最無益邊計所殺或係他種非反者或掩倖降人報功夫蠻夷心違聖朝柔遠之義今大兵所誅叛逆耳環黔皆苗安能盡殺御以威信皆良民也六衛腴田非此屬誰為墾耕者若殺不當罪是驅之歸賊而自樹敵也臣當使肘腋安定軍伍充實觀衅而動用奇迭出期于滅賊不敢優游以稽天誅上是之




朱燮元檄雲南兵下烏撒杜安邊助逆略曰川兵出永寧抵赤水扼四夷要害而親率兵出陸廣偏大方鬼師莫德諸邦彥曰安邊在烏撒滇人不敢南下永赤之兵牽制我後我當先破之取永寧以畀奢氏取建武六縣以畀法舍然後挾烏鎮臨遵義并黔及滇大事可圖也邦彥從之以乃費等防六廣烏迷等防遵義阿鮓怯等守鴨池三益各自號元帥而邦彥號四夷大長老崇明稱大梁王

戶部左侍郎王家禎言各省共逋八百萬有奇命趣之

戶科右給事中黃承昊言 祖宗朝邊餉止四十九萬三千

八十八金 神祖時至二百八十五萬五千九百餘金 先

帝時至三百五十三萬七千七百餘金其他京支雜項萬歷間歲放不過三十四萬一千六百餘金比年放至六十八萬二千五百餘金今出數共五百餘萬而歲入不過三百二十萬即登其數已少百五十萬况外欠節欠黔餉三項實計歲入僅二百萬耳成卒安能無脫中而司農安得不仰屋乎乞勅各邊督撫清覈歷年增餉何一增不復減至京支雜項萬歷何以少天啟何以頓加三十四萬九百有奇勅各衙門各自嚴汰又先臣葉淇變鹽法改折色輸部邊粟貴賤必



復 祖制關中輸邊之法或先行于一邊次第行之九邊十年盡復其故西北多曠土責有司開荒東南多水災加浙直巡鹽御史兼覈水利又禁私鑄 上納之下吏部即行  
辛亥申用懋為兵部左侍郎


選庶吉士方拱乾孫從度李國球梁衍泗金聲周純脩張星劉其德曹勳陳美發姚思孝黃起有周鳳翔胡世安李夢辰王邦柱解維樾郭之奇陳于鼎劉之綸白士麟張昌胤楊觀光吳廷簡王文企徐沂朱統鈔魏呈潤王與胤宋之普等先是禮科給事中瞿式耜請 皇上親試定去侍讀學士張士

範進士張星各請廣館額庶吉士朱統鈔有言宗室不便入館改授中書舍人即告假去

建 侵錦州陷駱駝大興等堡

壬子禮部右侍郎葉燦羅喻義教習庶吉士

諭閣臣曰朕覽御史顧其國奏騷擾累民莫甚于駟遞朕思國家設立勘合馬牌專為軍情及各處差遣命官之用近多徇情將勘合送親故供應之外橫索折乾小民困極甚至賣兒貼婦以應之或措處不前背井離鄉等傳示兵部做舊例某項宜用勘合某項宜用馬牌其餘例禁俱細開奏聞同清



弊源

大學士來宗道免遣行人護行賜金幣宗道在官翫斃編修  
脩倪元璐屢陳事宗道曰渠何事多言吾詞林故事惟清香  
茗耳時謂清客宰相

御史劉大受起廢奏臣忤奸始末 上曰故相魏廣徵逞臆  
借威箱害朝正將國家大柄授手逆璫毒徧海內廣徵實為  
禍首會論僉同朕不敢私以先朝焦芳例除名為民追奪息  
廢誥命為人臣附奸不忠之戒

先是肅州城外駐夷哈罕頭目綽庫兒以三百人叩嘉峪關

求賞總兵官徐家壽伏地砲以待之誘之多中炮綽庫兒僅  
以身免于足是忍恨合海 黃台吉謀大舉入犯邊臣告急


上以家壽起衅前妄報斬獲今張皇請械粟下臺訊

唐大章為南禮部右侍郎

鎮守浙江總兵官楊國棟罷

御史馬 順言日講宜勤晉接宜隆銓衡責成宜嚴邊將倚  
任宜專未言招撫海盜非策報聞

乙卯叙四川解圍復城搗巢之功張鶴鳴王在晉董漢儒吳  
弘業董彞倫俱廢錦衣衛千戶朱燮元張論俱錦衣指揮僉






事總兵杜文輝廕指揮同知李維新薛來亂俱本衛千戶

陳仁錫曰武臣世爵自公侯而下即數錦衣文臣如于忠肅其扶危定傾之功而當年身後之廕止于外所一正千戶迨其後亦止陞襲外衛指揮比至萬歷年始更定指揮文臣得一錦衣若此之難也况邦政條例非親斬不世襲乃文臣無論崇卑或稍奏捷必廕錦衣而武臣即百戰沙場身膏鋒鏑之元戎止廕外衛不平孰甚焉

丙辰召廷臣于平臺以御史吳玉疏錢糧弊竇示閣臣問何不名指也玉對曰此夙弊非經一人一事無可指名 上曰

然問侍讀學士張士範所請廣館選六名旨何來士範謝不知蓋出新進士張星 上怒其泄旨李標曰前東閣會議稿云六名 上問誰令會議劉鴻訓曰會議曾以聞 上詰士範至再又出戶科右給事中黃承吳疏至京支雜項錢糧問戶部左侍郎王家楨何濫增至此曰 皇考出數少入數多故太倉積餘七百萬內帑又亡筭後邊臣隨請隨給出入不相準又讀至鹽法閣臣請復 祖制開屯種引 上然之又出宣府巡撫李養冲疏云旗尉往來如織踪跡難憑不賂之恐毀言之日至賂之愁物力之難勝 上不懌兵部尚書王




在晉曰大同英掠宜接臣勘報不煩旗尉且令大同城得全  
上曰朕疆事仗一喇嘛僧講款諸文武何為不輕我中國  
哉劉鴻訓曰講款權也王在晉曰遼衅且十年東援之兵亡  
者不歸者不伍今兵餉匱或闕至三十月上以問王家  
禎對曰延緩尤甚上又問閣臣情由何義對曰即面情  
也問刑部左侍郎丁啟濬以李寶事追取空印奏本為李永  
貞草上其墨壓硃何未具獄也時會訊李永貞妄引故貢士  
吳江趙鳴陽

七月庚申朔大學士李標周道登劉鴻訓錢龍錫各進太子太

保文淵閣大學士前大學士韓爌朱國禎各進太保李國楫  
太傅劉一燝史繼偕朱延禧各進少師並兼太子太師賜金  
幣廕中書舍人

辛酉戶科給事中韓一良言皇上平臺召對有文官不愛  
錢一語然今之世局何處非用錢之地今之世人又何官非  
愛錢之人皇上亦知文官不得不愛錢乎何者彼原以錢  
進安得不以錢償臣所聞見一督撫也非五六千金不得道  
府之美闕非二三千不得以至州縣并佐貳之求闕各有定  
價舉監及吏承之優選俱以賄成而吏部之始進可知也至



科道亦半以此得之。館選亦然。臣之風聞如此。臣起縣令。今居言路。以官言之。則縣官行賂之首。而給事給賄之魁。諸臣言蠹民者。俱歸咎守令之不廉。然州縣亦安得廉。俸薪几何。上司票取。不曰無碍官銀。則曰未完紙贖。衝途過客。動有書儀。多則十金以上。少則十金以下。欲結心知。不在此例。歲送不知凡許。至巡按薦謝。每百金。旁薦五十金。其例也。近且浮于例。遇考滿朝覲。或費至三四千金。夫此金非降非地出。而欲守令之廉得乎。科道人號為開市。臣兩月內。辭書儀可五百餘金。臣寡交。猶然。餘可推矣。乞大為創懲。逮其賍甚者。嚴勅諸臣。視錢為污。懼錢為禍。庶几不受錢之世界。若止該部申臣。未見其改也。

壬戌午刻太白晝見屬楚分


癸亥召廷臣于平臺。命韓一良誦前奏嘉獎之。吏部尚書王永光請命一良指劾一良。以風聞對。命五日限奏。一良曰。命部科覈被叅。未結及權重。望輕。資俸驟躡。或陪推倖。點一一臚列。即可得其人矣。已一良露奏。終不盡對。

命章疏內凡天地祖宗字出格。朕毋敢並  
甲子侍讀學士張士範。削籍。庶吉士張星免。

國權

崇禎元年

六十一



乙丑戶科給事中韓一良超為右僉都御史 上嘉其清直  
工部主事徐爾一訟故經略熊廷弼之冤曰廣寧兵十三萬  
糧數百萬盡屬王化貞而廷弼止援遼兵五千駐右屯去廣  
寧四百里化貞逃潰獨以五千人至大凌河付之與慕容垂  
三萬軍獨全相類柰何與王化貞誤用西下同日道哉乞賜  
昭雪為勞臣勸不聽  
丙寅罷南京守備太監王應朝  
御史石三畏劾籍  
諭兵部緝都下盜

丁卯徐國鼎為太僕卿

遣使各王府

禮部議謚諸臣


己巳吳宗道仍吏部右侍郎回部孔貞運為祭酒仍經筵日  
講起張鳳翔吏部左侍郎改周嘉謨太子太保南吏部尚書  
潘士良為南刑部右侍郎李待問為戶部右侍郎提督漕運  
兼巡撫鳳陽  
巡撫四川張論失印被劾

惠安伯張慶臻總督京營滿桂為征西前將軍總兵官鎮守

國權

崇禎元年

六十一



大同王永有為都督僉事鎮守浙江總兵官

總督河道工部右侍郎李從心疾去

張曉改太子太保兵部尚書仍總督宣大


庚午俞晦為南太僕卿

覈 皇考遺恩宮臣

癸酉召廷臣及督師袁崇煥于平臺。上慰勞甚至崇煥銳而輕每易言天下事。上問建。何日可平。崇煥漫應曰五年為期。慷慨請兵械轉餉。命即出關紓邊民之患。凡吏部用人兵部指揮戶部措餉言路持論俱與邊臣相呼應。始可成。

功。上然之。

上又出兵科給事中許譽卿所論點事。李樞楊述中漏網。問閣臣若何對曰。臣向里居未悉。譽卿曰。安位襲秩。李樞索金益致禍。上問廷臣果否。御史毛羽健曰。臣在蜀聞貴陽被圍。李樞力守。時功罪頗不。一下廷臣會議。賜崇煥食。出至午門。或問以五年果效否。崇煥曰。上期望甚迫。故以五年慰聖心也。識者卜其無成。時朝議憂皮島毛文龍難馭。大學士錢龍錫遇崇煥語及之。遂定計而去。故大理寺卿費兆元贈刑部尚書。



太僕卿安伸免

乙亥嚴禁私驛

丙子康新民為大理卿改南居益戶部右侍郎督理倉場曹文衡為右副都御史巡撫應天

丁丑御史黃宗昌劾前戶部尚書張我續通政使岳駿聲工科右給事中潘士聞南戶部右侍郎呂圖南御史王珙皆魏忠賢遺黨命我續削籍餘官

誅罪監李永貞共籍銀二十九萬餘金  
己卯錦州城脩成

辛卯故吏部尚書張問達予祭葬贈太保蔭中書舍人

張士範張星及中書舍人周承禹下刑部獄以承禹泄其旨也並論城旦

王尊德改兵部右侍郎總督兩廣軍務

壬午浙江海寧蕭山大風雨海溢溺人畜亡美傷稼

御史涂保泰免王世鯤削籍

巡撫福建朱一馮免


癸未賜袁崇煥尚方劍

張鶴鳴免改陸完學光祿寺卿

國權

崇禎元年


六十四



初廣寧塞外有炒化煖免貴英諸薊鎮三協有三十六家  
守門夷所云西下也皆受我賞建雖強其勢未大合至是  
中外迎上指謂通建並革其賞諸夷已闕然會塞外飢  
請粟上堅不予且罪闕出者于是東邊諸胡群起颺去乃  
盡折入建下不受漢索矣

甲申遼東寧遠軍乏餉四月因大譟執巡撫畢自肅自肅嘗  
奏請戶部未發悍卒露刃排幕府縛自肅及總兵官朱梅推  
官蘇涵淳寧遠州同知張世榮置譙樓上極擊交下自肅傷  
殊甚面血兵脩道副使郭廣新至身翼自肅為解始全脅索

餉搜括撫夷金及朋椿得二萬金不厭益紛小票借商民足  
五萬始解自肅草奏引罪走中左所八月丙申自經崇煥至  
宥首惡楊正朝張思順誘捕其黨按推多廣武及車左右營  
卒斬十六人治本帥罪有差畢自肅字九範 淄川人萬  
曆丙辰進士知定興遷禮部主事歷郎中擢寧前道僉事累  
至今官年四十九軍變時通餉至五十三萬有奇變聞削秩  
其兄太子太保兵部尚書自嚴三上章以已官贖弟職不許  
鄭以偉曰自有東事以來每推一經略一撫出使視之如  
膜外各袖手旁觀以故胡殺其外法殺其內非無人才也



而苦若秋葉之零落，畢公之殺，非胡非法，而獨死數百悍卒手，不尤痛哉。乃考其終始，又不死于悍卒，而死于部貴及議論間也。就使不死悍卒，亦必陷文不活矣。藉第令司饗者輒不絕，而猶蹉跌，方可咎公，柰何不然。說者或責以恩感之威之不著，夫撫不母，若朽子腹，而望其順，慈媪不能，何威之施。起嘉靖至萬歷，兵九六七變，如五堡大同、遼陽、留都、浙江、寧夏，非釀苛掎，則激大役，公皆無焉。且募兵如倒植浮屠，欲執其難末矣。彼雖撫乎，非有韓范窮年塞上之久，一旦蜂擁豕突，一書生寄其上，強則窮奇欲縛

其腹，使不餐，弱則竊脂，欲指其喙，使不肉，勢必無撫，豈非

天哉。

御史鮑奇謨劾免

大學士錢龍錫周道登往德陵

乙酉召廷臣于平臺，御史梁子璠所請汰兵餉疏，問戶部

出

左侍郎王家禎、兵部尚書王在晉、何兵餉冒濫至此也。二臣各有對。上又出韓一良前疏及指叅周應秋、閻鳴泰、張翼、明褚泰初等，以先後矛盾奪其右僉都御史銜，又出大同提兵官渠家禎奏辨失事者，閣臣言其罪。上然之，并咎督撫

